

**GARIS PANDUAN PELAKSANAAN BAGI
FASILITI KESIHATAN SWASTA**

**PROGRAM SARINGAN COVID-19 BAGI
PEKERJA ASING MENGGUNAKAN KAEDAH
RTK ANTIGEN.**



2021

PERTUBUHAN KESELAMATAN SOSIAL

GARIS PANDUAN PELAKSANAAN PROGRAM SARINGAN COVID-19 BAGI PEKERJA ASING MENGUNAKAN KAEDAH RTK ANTIGEN BAGI FASILITI KESIHATAN SWASTA

1. LATAR BELAKANG

Kerajaan telah mengarahkan saringan COVID-19 untuk pekerja asing bermula 1 Disember 2020 dan untuk tujuan tersebut PERKESO telah melaksanakan Program Saringan COVID-19 bagi pekerja asing bermula dengan mereka yang bekerja di Selangor, Wilayah Persekutuan Kuala Lumpur dan Labuan, Negeri Sembilan, Pulau Pinang dan Sabah yang telah diisytiharkan Perintah Kawalan Pergerakan Bersyarat. Memandangkan peningkatan kes COVID-19 di seluruh negara, Kerajaan telah mengisytiharkan semula Perintah Kawalan Pergerakan di seluruh negara. Berikutan itu, Kerajaan telah mengumumkan Pakej Bantuan Perlindungan Ekonomi dan Rakyat Malaysia (Permai) yang merangkumi strategi saringan kesihatan pekerja. Sehubungan dengan itu, PERKESO memperluaskan Program Saringan COVID-19 ini ke seluruh negara bermula **2 Februari 2021**.

Program Saringan ini akan melibatkan fasiliti klinik dan hospital swasta yang telah berdaftar sebagai panel Health Screening Promotion (HSP) PERKESO dan telah mengemukakan *Self-Declaration* kepada Kementerian Kesihatan Malaysia (KKM) di negeri-negeri yang berkenaan. PERKESO akan membekalkan RTK-Ag yang telah diluluskan KKM dan kit ujian ini akan dibiayai oleh PERKESO bagi pencarum sahaja. Majikan hanya perlu menanggung kos perkhidmatan yang dikenakan oleh fasiliti kesihatan swasta.

Program ini diwajibkan bagi semua pekerja asing yang mencarum dengan PERKESO dan hanya terpakai bagi pekerja asing yang memegang Pas Lawatan (Kerja Sementara) sahaja. Ekspatriat adalah terkecuali daripada program ini. Walau bagaimanapun, ekspatriat masih boleh menjalani saringan di bawah Program ini.

Bagi pekerja asing yang bukan pencarum, kos saringan akan ditanggung sepenuhnya oleh pihak majikan dan RTK-Ag tidak dibekalkan oleh pihak PERKESO. Peraturan ini hanya terpakai bagi pekerja asing yang memegang Pas Lawatan (Kerja Sementara) sahaja.

2. PENDAFTARAN PANEL

- 2.1. Pra-syarat sebelum menjadi panel program saringan pekerja asing.
 - 2.1.1. Berdaftar sebagai panel HSP PERKESO.
 - 2.1.1.1. Layari portal SeHAT PERKESO di sehat.perkeso.gov.my untuk mendaftar.
 - 2.1.2. Telah membuat *Self-Declaration* di bawah Akta Kemudahan dan Perkhidmatan Jagaan Kesihatan Swasta 1998 [Akta 586] kepada Kementerian Kesihatan Malaysia.
 - 2.1.2.1. Rujuk arahan Am Menteri Kesihatan, Bilangan 2 Tahun 2020.

- 2.2. Selepas keperluan mendaftar telah dipenuhi, log masuk ke Portal SeHAT dan panel perlu mengesahkan persetujuan untuk melaksanakan saringan RTK-Ag kepada pekerja asing di bawah PERKESO.
- 2.3. *Access Key* akan diberi untuk kebenaran log masuk ke portal PSPA.
- 2.4. Emel dari SIMKA akan dihantar kepada panel yang belum berdaftar dalam portal SIMKA. Panel perlu mengemaskini butiran yang diperlukan oleh SIMKA.
- 2.5. Proses pendaftaran selesai. Pelaksanaan aktiviti saringan RTK-Ag kepada pekerja asing akan dibuat melalui Portal PSPA termasuk proses tempahan kit ujian dan proses perekodan keputusan ujian saringan.

3. PORTAL PSPA

3.1. Tempahan RTK-Ag

- 3.1.1. Panel perlu membuat tempahan RTK-Ag melalui portal PSPA.
- 3.1.2. Panel perlu memperincikan maklumat ujian saringan seperti di bawah sebagai justifikasi kepada bilangan tempahan RTK-Ag yang dipohon.
 - 3.1.2.1. **Tarikh ujian** saringan bakal dijalankan.
 - 3.1.2.2. **Lokasi ujian** saringan
 - 3.1.2.3. **Jumlah pekerja** yang akan disaring
 - 3.1.2.4. **Majikan** yang terlibat
- 3.1.3. PERKESO hanya akan meluluskan tempahan yang disertakan dengan justifikasi seperti di atas.
- 3.1.4. Sebarang **perancangan dan pelaksanaan ujian saringan di premis majikan perlu dimaklumkan kepada Pejabat Kesihatan Daerah (PKD)** terdekat bagi pengurusan lanjut kes-kes positif oleh pihak KKM.

3.2. Penerimaan atau Pengambilan kit

3.2.1. **Negeri Selangor, W.P. Kuala Lumpur, W.P. Putrajaya dan Negeri Sembilan.**

- 3.2.1.1. Bagi tempahan RTK-Ag yang dibuat di negeri Selangor, W.P. Kuala Lumpur, W.P. Putrajaya dan Negeri Sembilan, penghantaran kit akan diuruskan oleh pembekal perkhidmatan yang dilantik PERKESO ke fasiliti panel swasta yang memohon.
- 3.2.1.2. Tempoh anggaran penghantaran RTK-Ag adalah seperti berikut:
 - Lembah Klang: 1 – 3 hari
 - Selangor & Negeri Sembilan: 3 – 5 hari.
- 3.2.1.3. Panel perlu menandatangani dan mengecop *Delivery Order (DO)* bagi mengesahkan kuantiti unit yang diterima.
- 3.2.1.4. Pengesahan penerimaan juga perlu dibuat menerusi sistem bagi memastikan proses pembekalan akan datang tidak terjejas

3.2.2. Negeri-negeri lain.

- 3.2.2.1. Semak status permohonan yang diluluskan dan **screenshot paparan kelulusan** untuk tujuan pengesahan sewaktu pengambilan.
- 3.2.2.2. Sila hubungi Pegawai PERKESO yang dinyatakan dalam butiran kelulusan bagi menetapkan tarikh dan masa pengambilan kit. Pengambilan kit tanpa temu janji tidak akan diterima.
- 3.2.2.3. Hadirkan diri ke pejabat PERKESO dengan membawa *screenshot* kelulusan dan cop rasmi klinik panel untuk pengambilan kit.
- 3.2.2.4. Di Pejabat PERKESO, wakil panel klinik perlu mengesahkan kuantiti kit yang diterima dan mengisi butiran serta mengecop di dalam **Borang Pengesahan Penerimaan Kit**.
- 3.2.2.5. Pengesahan penerimaan juga perlu dibuat menerusi sistem bagi memastikan proses pembekalan akan datang tidak terjejas.

3.3. Perekodan Ringkasan Keputusan Saringan

- 3.3.1. Ringkasan Keputusan Saringan direkodkan bagi memberi gambaran awal keputusan ujian yang telah dijalankan sebelum merekodkan keputusan saringan secara individu.
- 3.3.2. Ringkasan Keputusan Saringan boleh direkodkan selepas selesai sesi *mass screening* atau selepas waktu operasi klinik tamat pada hari berkenaan.
- 3.3.3. Maklumat yang direkodkan adalah butiran majikan, jumlah ujian yang dijalankan, bilangan keputusan positif dan keputusan negative.
- 3.3.4. Keputusan ujian secara individu masih perlu direkodkan.

3.4. Perekodan Keputusan Saringan RTK-Ag individu

- 3.4.1. Carian Nombor Keselamatan Sosial Pekerja Asing (KSPA)
 - 3.4.1.1. Panel perlu memasukkan Nombor KSPA / Passport.
 - 3.4.1.2. Profil pekerja akan dipaparkan dan panel perlu memasukkan butiran keputusan.
- 3.4.2. Bagi pekerja yang mempunyai alamat operasi yang berlainan dengan alamat perusahaan, panel wajib memasukkan alamat operasi yang bertepatan ke dalam sistem.
- 3.4.3. Sekiranya profil pekerja tidak dijumpai di dalam Portal PSPA ini bermaksud pekerja tersebut tidak mencarum dengan PERKESO dan tidak layak disaring di bawah program ini. Pekerja asing tersebut hendaklah merujuk kembali kepada majikan untuk dicarumkan di bawah perlindungan PERKESO.
- 3.4.4. Walaubagaimanapun sekiranya pihak majikan masih ingin meneruskan ujian saringan RTK-Ag seperti yang ditawarkan oleh fasiliti kesihatan swasta tersebut, di bawah tanggungan majikan sepenuhnya, panel masih perlu membuat pendaftaran lengkap di dalam Portal PSPA bagi tujuan perekodan.
- 3.4.5. Keputusan yang dimasukkan ke dalam Portal PSPA akan direkodkan secara langsung ke dalam SIMKA melalui integrasi sistem.
- 3.4.6. Maklumat ujian dan keputusan boleh dimuat turun melalui Portal PSPA.

CARTA ALIR PERLAKSANAAN SARINGAN RTK-Ag PEKERJA ASING PERKESO

